

191-
982 57



L A P R I S E

du Chasteau de Riche-
court, faicte par Monsieur
le Duc de Guyse, le Diman-
che 5. de Mars.

ENSEMBLE.

*Vn bref narré de ce qui s'est passé en Pi-
cardie & Champagne, depuis ces der-
niers mouuemens iusques à present.*



A P A R I S

De l'Imprimerie d'Anthoine du Brueil

M. D C. X V I I.

LA PRISSE


Cass
F
39
326

du Chateau de Riche-
court, saige par Monseigneur
le Duc de Guise le Dintan
Cher. de Mars.

1617/191

ENSEMBLE

Le presenté de la part de la
Bibliothèque de la ville de Paris
est de la collection de la part de la



A PARIS

De l'imprimerie d'André du Bouché

M. D. C. XVII



LA PRISE DV CHASTE AV

de Richécourt, par Monsieur le Duc
de Guise, le Dimanche 5. de Mars
ensemble vn bres narré de ce qui s'est
passé en Picardie & Champagne de-
puis ces derniers mouuements iusques à
present.



On Ve peut on voir de plus
estrange que ce qui se voit
en nos iours ou ceux qui
doient auoir le plus iuste
interest à la conseruation
de cet Estat, sôt les mesmes
qui semblent en aduācer la ruine, & qui par
diuers artifices dont ils se peüent aduifer,
peruertissent le peuple, & s'efforcent par
tous moyens d'introduire la confusion dās
les ordres en descriant le Gouvernemēt de

l'Estat & ainsi abusans de l'autorité souveraine sous le bas aage du Roy, desployët l'Enseigne, arment & se iettent à la campagne, & commettent tout ce que les loix diuines & humaines, deffendent au vassal pour le respect de son Prince souverain.

C'est ce que la France à recogneu depuis le traicté de Loudun en la persône de messieurs les Ducs de Vendosme, de Neuers, de Mayenne & de Bouillon, qui ayant pris des mescontentement volontaires en fuite de leur repraiste hors de la Cour sous pretexte de se rendre asseurez, libres & à couuert, ont remply les Prouinces de Picardie & Champagne, de cruauté, Barbaries, & desolations si grandes, que ceux mesmes qui comme estrangers ny ont aucun interet, en ont eu compassion & ne peuuent qu'ils ne se soient estonnez d'une si longue patience & bonté du Roy qui pour ne perdre les Princes de ses armes à tousiours iusques à present attendu s'ils ne pourroient point s'entrer en leur deuoir, & recognoistre d'eux mesmes le precipice ou ceste violence les alloit renuersant.

Et pour commencer par le Duc de Neuers, luy qui fortifie ceste ligue par son

association avec les autres Princes, chacun
 ſçait par quelles pratiques il a commandé
 ſes entrepriſes ſur les villes du Roy en Châ-
 pagne, lors qu'aſſeuré ſur ceux qui auoient
 l'ame ſaiſte comme luy, il pretendoit vn
 fortuné ſucces de l'entrepriſe ſur la ville
 de Rheims, croyant auoir gaigné par l'en-
 tremiſe de ceux qui luy appartenoyent, vn
 auantage tel ſur vne partie du peuple, que
 ſi les ſeruiteurs du Roy n'euffent deſcouuert
 ces menées, & les habitans plus fidelles in-
 timidé les ſaſſieux, par la prompte priſe des
 armes & barricades, ja ny auoit plus d'eſpe-
 rance, d'y pouuoir ſeruir le Roy en aſſurâ-
 ce. ce qui fut ſagement preueu & detourné
 quant & quât par le Marquis de la Vieuille
 Gouverneur de ladite ville, qui faiſant em-
 priſonner les auteurs de ce tumulte & ſa-
 ſſion, à maintenu toutes choſes en de-
 uoir, & ne redoutant riē pour le ſeruite du
 Roy aiant faiſt refuſer l'entree des portes à
 madame la Duchefſe de neuers, aiant eu aduis
 des gros de Chauallerie qui ſuiuoient le peu-
 de train qui la conduiſoit audit Reims, deſ-
 daigna toutes les menaces qu'il luy furent
 faiſtes en ce reſſus, ayant mieux ſouffrir
 la perte de ſon bien & le ſaccagement de

ses maisons, que de luy estre vn iour repro-
 ché, que pour la conseruation du sien, il
 ayresté fauteur d'vne entreprise tramée,
 sur vne place que le Roy à confiee sur ses
 fidelitez. Al'exemple de Rheims, Chaalôs
 se donne sur ses gardes, & cognoissant, que
 pareilles pratiques s'y faisoient de la part
 dudit Duc, par gens mauuais suiets & tres
 mal affectionnez au seruice du Roy, qui
 tenoient des premieres charges en ladite
 ville, les habitans que se voyoient menacez
 d'vne garnison de cheuaux que ledit Duc
 y vouloit introduire, & autres semblables,
 se roidirent pour le seruice du Roy du co-
 sté de leur Gouverneur le Comte de Tre-
 mes, & le prient de faire demeurer aupres
 d'eux les Regimens que luy & le sieur de
 Praslin y auoient amenez, sans permettre
 de les abandonner, craignant d'en auoir
 affaire au besoin: Ces deux villes assurez
 pour le Roy le Duc de Neuers se voyant
 auorté en ses desseins ioint ses conseils
 avec ceux du duc de Bouillon, decerne cō-
 missions à quelques siens Gētils hommes
 & Capitaines de ses places pour faire
 leuees de gēs de guerre, se fortifie dās Me-
 zieres, Rhetel, sainte Menchoud, Char-

leuille & autres lieux, appelle les estrangers
 pratique nombre de Vvallons qu'il fait en-
 trer par tous lesdits lieux, & le reste des
 gens qui arment sous luy & agissent sous
 ses Commissions font vn tel rauage dans le
 pays, que les pauures gēs ont esté cōtrains
 de tout quitter & abandonner à la rage &
 discretion de telles gēs qui ne respirent
 que larcin & carnage: en suite de ce, pour
 auoir de quoy ledit Duc à fournir la con-
 tinuatiō de ses leuees & payer les troupes,
 par tout où la force la rendu Maistre, il s'est
 fait apporter la recepte des deniers du
 Roy, y à fait contraindre les Recueurs des
 parroisses & surchargeant le pauure peuple
 de nouvelles impositions de deniers à fait
 voir en cela, que le respect du Souuerain
 est peu de chose à l'endroit de ceux, qui
 mesprisent tout pour faire iouer les diuers
 ressorts de leurs passions.

Le Duc de Boüillon aussi de son costé à
 remué toute pierre, & s'est seruy de tout
 ce que la malice se pourroit aduiser, pour
 fortifier ceste ligue, il a donné sa ville,
 de Sedan pour retraite à tous ceux qui
 auoient l'ame vlcérée de mille volontez de
mal faire & remuer, il à pratiqué tant qu'il

à peu en Allemagine , semé & corné tout haut aux oreilles des Princes protestans & aux Estats de Hollande que depuis l'Alliance d'Espagne , on auoit delaisié & guiere ne faisoit on estat de l'amitié des anciens alliez & amis de ceste Couronne, il à escrit de toutes parts pour introduire la jalousie à la Cour des Princes, il à par ses menées tiré promesses des vns, gés de guerre des autres , argent & munitions d'ailleurs, si bien que pour seruir en ceste ligue il à mis toute pierre en œuvre , continuant de gaster & peruertir l'esprit & la reputation des Princes, de la reputation desquels il abuse & profite à leurs despens.

Le Duc de Mayenne , pour arriuer à ce qui s'est passé en Picardie, à aussi contribué de sa part tout ce qu'il à peu pour se rendre vn des chefs de ceste belle partie: il a assuré Soissons pour le seul respect & esgard de son seruice & de sa personne , ne permettant que le Roy y soit seruy ny obey en ses officiers & ministres , ayant mesme faict mettre hors les Principaux Magistrats, & ceux qui ne pouuant souffrir vn tel mespris ne vouloiēt nullement acquiescer aux mauvais Conseils qui se tenoient contre l'au-

l'autorité & service du Roy.

Le Duc de Vendosme, qui à sa part des premiers entre les mescontens après s'estre rendu maistre dans la Fere à accueilly tous ceux qui se joignans à ses troupes. ont rauagé le pays de Picardie, rançonné & picoré les suiets du Roy & fait dix milles incommoditez au pauvre peuple: le Marquis de Cœuvres son oncle, Gouverneur de Laon, y ayant fait entrer deux cens chevaux & autres gens de guerre, s'est tellement rendu absolu que tout y passe par ses mains & rien ne s'y fait que sous les commandemens les officiers du Roy n'ayant plus que le nom & non le pouuoir d'exercer librement leurs charges.

Toutes ces nouvelles tempestes s'elevans ainsi sans aduen & sans cause que pour la seule consideration de remuer & de se rendre redoubles aux prouinces mais qui tendent neantmoins à la ruine du pauvre peuple, à la desolation de cet Estat, & préjudice de la tranquillité publique, ont excité leurs maiestéz frappees d'un vif ressentiment de tant de misere que souffrent leurs pauvres suiets, d'aller au deuant de ces malheurs & d'empescher que ceste rebellion

contagieuse ne se glissast aux autres membres de cet Estat : si du commencement qu'elles en ont eu aduis , Monsieur de Praslin est commandé de monter à cheval avec bonne suite de cheuaux & de Noblesse pour s'opposer au dessein du Duc de Nevers , à pris de nouveau sur luy sainte menechoud & saint Florétin. & pour couper pied à ses pratiques a mis garnison par toutes les places de ladite Prouince de Champagne

Pour empescher la descente des troupes estrangeres pratiquées par les Ducs de Nevers & de Bouillon , le Marechal de Themines reçoit commandement de sa Maesté de partir & de tenir sur les frontieres de Champagnees environs de Mezieres & Sedan, il prend avec luy trois cens cheuaux avec huit cens hommes du Regiment des gardes , & ne pouuant y estre assez tost arrivé pour en faire la rencontre & disputer l'entrée desdites troupes estrangeres dans le Royaume , a aduis de quelques Enseignes Vualionnes de nouveau arriuees qui s'estans mis en vn bourg assez mal asseuré choisi pour leur quartier , & logement , les force , les contraind des'en-

fuir en deffaiët vne partie defarme les autres, & les laiffe fans forces ny moyen de le pouuoir deffendre, ce qu'ayât mis ledit Duc de neuers en colere a par diuerfes embusca des & façons cherché les occafiōs de pouuoir le vanger fur les troupes dudit fleur de Themines, mais en vain a il conſommé ſon temps auant affaire à vn hōme de guerre qui ſçait le moyen de conduire & retirer ſiens de ſurprites & de mal. Du depuis à meſure que ce mal alloit croiſſant, & que leidits ſieurs Princes continuoient leurs pratiques és païs eſtrangers. & ſe fortiſioiēt continuellement dans les places qu'il occupent, tenans la Campagne en crainte & frayeur, prenans & emmenans indifferement priſonniers tous ceux qu'ils rencontroient & commettant tous actes d'hoſtilité dans leſdites Provinces: pour le ſalut du peuple & de l'Eſtat, le Roy s'eſt reſoluit de faire vn corps d'armées fait entre les Suiſſes en Champaigne renforce les garniſons de ſes villes, faiët faire diuerſes leuées de troupes, marcher le canon & les munitions de guerre, & commet le Duc de Guiſe pour conduire le tout, & en qualité de Lieutenant General exercer ce qui eſt de

sa charge & de son deuoir contre les rebelles demeurans opiniastres en leurs resolutions, faisans publier plusieurs declarations contr'eux pour les esmouuoir a implorer la clemence & le pardon de sa Maiesté & rentrer au chemin d'obeissance, si mieux n'ayment esprouuer ce que peut esperer le rebelle suiet, qui prouoque son Prince à changer sa patience en colere, sa bonté en fureur, sa misericorde en chastement rigoureux.

Or depuis que ledit sieur Duc de Guyse s'est veu avec ceste charge de Lieutenant General de la Maiesté, dás le pays de Champagne, il a pensé des moyens par lesquels il pourroit faire cognoistre au Roy & à l'Estat, les preuues de ses fidelles seruices en l'acquit de son deuoir à la louange & reputation de sa personne, si que voyant que nonobstant son parentage & proximité grande avec leſdicts sieurs Princes retirez, il falloit entreprendre la conduicte de l'armee & assembler vn camp pres de Rheins, il eut aduis que le Duc de Neuers auoit à dessein fait nouuel achat d'vn certain chasteau appellé de Richecourt scis pres Rethel sur le chemin de Rheins, pour empes-

cher le passage des viures & autres commoditez allans & venans a l'armee du Roy, iugeant de l'importance du lieu se resolut de l'aller assieger en personne il prend avec soy quelque nombre d'infanterie & cheuaux avec quatorze pieces d'artillerie, & inuestir ladite place, assez forte d'assiette & de murailles, où estoient enuiron quarante hommes pour la garder & asseurer audit Duc de Nevers, de deux costez il dresse sa batterie, presse ceux de dedans, dont vingt a diuerses fois furent tuez, ils font resistace par l'espace de quelque tēps, au bout duquel, se voyant à l'extremite demandent quatre iours pour aduier à la composition qu'ils pretendoient faire qui estoit en effect demander temps auquel ils pourroient estre secourus des Princes: toutes ces considerations nonobstant, font patienter ledict sieur Duc de Guise & leur ayant ostroyé ledit temps, au bout de la il voulut scauoir ce qu'ils auoient affaire, eux se voyans entre les mains du vainqueur, voyas qu'il ne pouuoient esperer secours, aymerent mieux marchander leur vie par honnestre compositiō, que de se laisser forcer & contraindre par les armes du Roy,

qui les menaçoit de ruine & de chatiment, s'ils ne rendoient le Chasteau: Ceste place rendue & remise entre les mains du Duc de Guise apres auoir enduré cent douze vollees de canon on les contrainst de sortir la baguette blanche a la main le Dimanche 5. iour de Mars dernier sur les deux heures de releuee sans emporter autres armes ny bagages, protestans de là en auant ne porter iamais armes contre le seruice de sa Majesté.

Les Princes aduertis du siege de ceste place. s'assemblerent pour deliberer du secours qu'ils y pourroient mener pour en diuertir ledit sieur Duc de Guise, si firent cōposition fix qu'ils estoient, cest assçauoir les Ducs de Vendosme de Neuers, de Mayène de Bouillō, les Marquis de Cœuvres & Comte de la Sufe, d'y mener vne partie de leur armée pour detourner ledit Duc de son, entreprisede & le contraindre ou de quitter ou luy dōner bataille, mais tard y arriuerent car le Chasteau estoit ja rendu, les gens du Roy dedans, & leurs garnisons sorties. Ceste place incommodoit fort le passage & tous le pays circonuisin aussi le Duc de Neuers l'auoit il acheptée ex prez

pour cet effet, & la reduſtiõ d'icelle apporter grandes commoditez à l'armée du Roy, laquelle toutefois ledit Duc de Guise pretend faire raler pour n'eſtre plus à l'aduenir la retraicte de ceux qui voudroient rebeller contre le ſeruice du Roy.

F I N.

Lee

C

1711

